

潛齋醫學叢書十四種



半癡山人著

潛齋簡效方

醫話附

潛齋簡效方序

古名臣大儒往往喜錄單方以關生民疾苦而世之醫者每為卑鄙不足道何識量之不廣哉王君孟英謂一藥治病即古之奇方蓋一病原有一藥主治識之既真何須多品第病有可以常理測者夫婦與知其不可常理測者雖聖亦有所不能盡是以病機隱幻固非良手不為功而病情奇怪有非單方不能治在昔歐公暴痢幾絕乞藥於牛醫李防禦治嗽拜官得方於下走誠醫理之難窮而藥之不可以貴賤為優劣也即今道光間吾杭皇甫心安家有狐能治病以仙目之樂懷谷女方襁褓忽啼不止拍之則愈啼解衣視背見繡鍼微露其緒而鍼已全沒多醫治之雜以藥敷肉潰而鍼終不出狐令以葱石吸瘡口理極是也而亦罔效延至百日忽賣酒家聞之曰易耳第以銀杏仁去衣心杵爛菜油浸良久取油滴瘡孔中即出移時果鍼透瘡口而鍼則已彎蓋強拍入之也夫以狐而仙者豈智有不逮哉乃不為葱石引而為銀杏透真理之不可測矣由此推之一病必有一藥主治洵非虛語而單方之不可忽也益信因出願體醫話一冊願體集為康熙時史楷臣先生著其醫話亦皆切於濟世而救五絕諸法尤較他書詳備向為孟英舅以俞君珍藏孟英復以魏柳洲續名醫類案中按語單方合而成帙末附自來簡效諸方付之梓其成厥舅志固已足多而所言一以生民疾苦為心勿私其藝抑亦王君識量之不可及也

已咸豐三年癸丑仲冬杭州趙夢齡

士雄學識淺陋所錄簡效方一卷皆簡易而有效驗之方也然見聞不廣未敢質當世而張孝子養之蔣君敬堂連君書樵屢引史摺臣先生施藥不如施方之話相勗遂不揆譎僂附梓於史魏良方之後惟四方博雅咸以利濟為懷傳播祕方諒不吝教如荷匡余未逮隨時皆可續登致予望之虛左以俟

癸丑長至日自記

潛齋簡效方目次 附醫話

頭風

面皴

肺癰

痰喘

喉疹

口鼻病

耳目病

牙病

瘰癧

乳病

婦女諸病

小兒諸病

拘攣

鬼箭

魅惑

二陰諸病

腫瘡

腳氣 附纏足方

癬

癩

瘤

痣

大衄

禿瘡

腋癰

多骨疽

惡瘡

移毒法

退努法

消管法

殺蟲法

腋氣

杖丹

閃胸

替目

肝胃腹痛

截瘧膏

藥酒方

灸火論

勞病說附方

慎疾法

治疫方

解鴉片

勸醫說三則

穩婆說

救荒法

救火策

續

寡欲說

交梨火棗湯

成方弊

辨指南十六條

論續名醫類案

溫熱經緯論暑略

急暑證治附方三則

夏月傷寒略

瘰癧乳巖疔瘡秘方

治流注方

圍藥二方

刺痧法

潛齋簡效方

定州楊照藜素園鑒定

杭州王士雄孟英輯

張性陶養之

同郡蔣寅敬堂參校

連自華書樵

治頭風蓖麻仁乳香研塗患處立愈

天南星一箇艾五錢煎湯重之

痛久欲失明者川烏去皮細辛防風蠟梢等分研細薑汁調貼患處若肩目牽引不止貼

太陽穴

面上皺路大猪蹄四枚洗淨煮如膠臥時用塗面上次早以漿水洗去半月後面皮細潔

如童子

肺癰冬月醃芥菜瀝汁封埋土中久則清淡如水略無鹹味飲之甚效或和淡腐漿服

戴草俗名魚腥草水煮不佳口食之甚效

金絲荷葉草搗汁同生白酒數飲立效

橘葉搗汁服吐出膿血即愈

經霜黃菊葉絞汁冷服亦治腸癰

立秋後擇粗大絲瓜藤或南瓜藤掘起根三四寸剪斷插餅中其汁滴貼餅內封埋土

中年久愈佳兼治喉蛾哮喘

柘黃即柘樹上葦厚大而色黃者用井水磨服以愈為度或用鯉魚重四兩者一尾去腸勿見水入貝母末二錢縫好童溺半椀浸之重湯煮至晴出去鱗骨食之甚效

痰哮喘濕海帶四兩煎湯調餒糖服

淡豆腐漿每晨飲之兼治黃痺

漂淡陳海蜃煎湯生蘆服橋汁和服兼治諸痰證

爛喉時疹錫類散象牙屑焙廉珠各三分飛青黛六分梅花冰片三釐壁錢俗名喜子窠二十

個用泥壁上者勿用木板者西牛黃人手指申男病用女女病用男各五釐共研極細粉吹患處雖瀕死者

可救兼治乳蛾牙疳舌腐等證甚效

蘆服菜於初冬攤於屋瓦上或掛樹枝上任其風吹日曬雨洗霜凌直至立春前一日

收下懸挂簷下有風無日處陳久愈佳煎濃湯服

冬春二季每晚食生蘆服數片可以免患喉證或以橄欖蘆服常煮湯代茶飲亦妙

口舌糜爛大紅薔薇葉焙燥研末搽之冬月用根重舌用不蛀牙皂四五挺去核炙焦煎



芥穗二錢共為細末米醋調塗即消

舌脹滿口生蒲黃末搽上即愈舌衄以黑蒲黃末糝之或以辰砂一錢伏龍肝二錢鴨子

清調服

舌脹出口冰片一錢研敷

舌出不收辰砂末敷之或暗擲梳篦於地聞聲即能驚入

昏衄不止栗子一個連殼燒灰硫黃等分研末和敷

烟管戳傷咽喉以龍眼核去黑皮焙極細用筆管吹患處即定疼止血居家者此藥預

預備凡小兒頭面磕撲銅鐵戳傷諸患亦以此敷之愈後無癢仍生毛髮

風寒鼻淵蒼耳子辛夷花各三錢煎服

風熱鼻淵絲瓜藤近根三五寸數株曬燥燒存性為末每一錢陳酒下

久吃蘭香烟成鼻淵者白養脊骨燒烟薰洗之

年久鼻淵煩勞則發者名白腦漏宜瓊玉膏固本丸六味丸三才封髓丹之類久服自效

諸物塞入鼻中而不能出者緊掩兩耳緊閉其口不使通氣以筆管吹其無物鼻孔則所

入之物自出

諸物吸入肺管而不能出者無藥可治喘急而死大概小兒或有此患然不必驚慌但捉

兒兩足使倒懸則所入之物一咳即出

肺風瘡酒磨鹿角尖濃塗久之自愈

雀斑鹿角燒灰猪油調搽

白附子生研臥時以豆腐擦洗後雞子清調塗

鼻衄不止以本人鼻血紙燃蘸之右衄者點左眼角左衄者點右眼角左右並衄者點兩眼角內立效或以梔子炭研末吹入鼻中立愈

耳暴聾木香研末酒浸一宿以酒滴耳中少頃倒出三次即愈

白蒺藜炒去刺為末蜜丸服

靈磁石如豆大者一塊同穿山甲煨研末棉裹塞耳中口含生鐵一塊覺耳中如風雨聲

即通

耳聾龍骨末吹之又炒黑蒲黃研末吹之亦敷舌聾

耳聾血餘一錢冰片七釐研勻吹之

耳爛燈心陳皮各一錢燒灰加水片一分研吹

頭風損目以大川貝母一粒白胡椒七粒共研末葱白汁丸如柏子大以膏藥蓋貼太陽

穴目可重明

赤眼黃丹白蜜調貼太陽穴止痛如神

田中潔淨柔泥搓丸箠扁貼兩眼皮一夜兩丸立效如睡熟候醒方換芙蓉葉末水和貼太陽穴

芒硝荊芥穗泡湯溫洗

黃連為末雞子清調勻左眼貼左足心右眼貼右足心

目翳胡桃肉鳧苴柿餅等分搗碎開水調服

目星樟腦東丹等分研細瓷器封貼左目吹右鼻棉塞之隔宿即退右目仿此

白蔞藜三錢水煎日洗三次效

目障鵝兒不食草川芎青黛各等分為末搗鼻取嚏遠年者亦效

望江青一名天脂麻一兩羊肝一具同豆腐煮食

小兒疳氣攻目雞肝一具不落水竹刀切片用牡蠣粉八分飛辰砂少許拌勻糝入飯鍋

上蒸熟食之如此十次翳障退淨當時忌食茶湯油膩

烟油入目如將他物洗之愈洗愈疾甚至損睛須用亂髮緩緩揉之自愈

天絲入目頭垢點入眼內即出又方雄雞冠血滴入眼內少頃看有紅絲將燈心捲去或

用好墨磨濃塗眼內看有黑絲亦用燈心捲去

白礬水一椀將古絲之有絲入水即愈或以筆管吹其礬水泡起濺目絲亦能出塵芒入目生翳洗搗棉裹滴汁入目中即出也

石灰擦眼山卮子煎濃汁不住手洗一二時長痛即止或用活五穀蟲淘淨搗攤油紙上用布紮好七日不可動藥自落日無恙

眼角出血槐花炒焦煎服

損目破睛牛口涎每日點兩次須要避風黑睛破者亦瘳

青盲用二蠶砂三斗晒燥每晨服三四錢淡鹽湯下

眼堂成漏凡眼下生癰出膿流水不乾日久成漏諸藥不效以柿餅去皮取肉杵爛塗旬日愈

眼癬用銀杏葉泡湯少加枯礬末溫洗漸愈奇效

牙疼經宿西瓜皮燒灰敷患處牙縫內立效

黑山梔桑葉泡濃湯執漱不痛乃止

兒茶貼患處流出風涎自愈不可嚙下

石膏火煨熟八兩白蔘藜去刺四兩為極細末頻擦之立愈每日用之可免此患

華撥一錢川椒五分石膏三錢青鹽四分共研細點患處立愈

青鹽蓬砂火硝樟腦各一錢研末搽之

馬蘭頭葉水溝或水缸內青苔共杵爛以棉卷之左痛塞左耳右亦然  
牙衄絲瓜藤炙反擦之立止或用絲瓜絡亦可酒調下兼治腸紅

草決明煎湯含之即止

馬蘭頭杵爛塞患處立止

槐花炒為末搽之

瘰癧俗名癧瘻用天明精五六枝同鱈魚煮熟但飲其汁數次自愈

羚羊角燒灰研細雞卵清和塗兼治癩毒

猪膽汁以臘脂邊一方滲透懸風處吹乾剪貼患處

豆腐泔水一桶慢熬成膏頻塗之

三桑葉曬乾為末赤沙糖調服數兩自愈

南星半夏等分為末米醋或雞子清調敷黃柏為末猪油調塗

活鱔魚一尾生山藥如魚長一段白糖三錢杵爛塗之

土貝母研末陳米調醋敷

牛皮膠一兩水熬化入土貝母末五錢攤油紙貼之

佛前舊羊角燈底焙存性研末麻油調敷

田中螞蝗杵爛圍之即散

活蠟一隻麻油一瓊浸三日取起曬乾為末以鵝毛蘸油搽上初起者為癰母每日多搽幾次三五日即愈

已潰者用牛皮油鞣底燒灰麻油調敷

麵糊作餅貼於先潰之處再用小砂壺一把俱盛燒酒煎滾去酒以熱壺口復於餅上熏之一壺冷又易一壺如此數次將毒拔盡則愈重後用楮膽汁熬成膏貼之

破爛多年不愈延及胸脅臭穢難聞雖十數載之頑證可用新石灰一塊滴水化開成粉以生桐油調勻乾濕得中先用葱椒湯洗淨瘡口塗數日即愈

牛皮膠四兩牡蠣粉拌炒成珠去粉土貝母八兩共研末水法丸如綠豆大早晚用昆布海藻各一錢五分煎湯吞下三錢不論已破未破均效

乳巖土貝母五錢煎服數日可消已破者加胡桃膈銀花連翹各三錢酒水煎服潰爛已久者用雄鼠糞經霜土棟子不用棟露蜂房各三錢俱煨存性各取淨末和勻每服三錢

酒下間二日一服即止痛收口

乳癖白芷雄鼠糞等分曝乾為末好酒調服必多飲取一醺睡而愈

活鱖魚一尾鮮山藥如魚長者一段共搗爛敷患處以紙蓋之立愈。

陳皮炒為末黑糖調和開水送三錢七日而愈。

蒲公英一兩銀花二兩酒水各一碗煎半碗加酒一小杯服之一醺可愈。

乳吹砂仁去殼五分冬麥子八分共研末以蒲公英五錢枯芫仁三錢煎湯調服數日即愈。

穿山甲二片炒橘紅二錢水煎和酒服立愈。

甘菊花根葉杆爛酒釀沖服渣敷患處立效。

乳頭破爛龜板炙研末加水片研勻麻油調搽。

寶珠茶花焙研末麻油調敷內服治諸血證。

陰癢雞肝或猪肝者熟切一長條插入陰戶內過一夜次早取出數次乃愈。

陰腫羌活防風煎湯薰洗。

葱白研膏入乳香末拌勻敷患處。

陰寬肥皂子浸去黑皮用其白肉加白芨五倍子蛇牀子石榴皮甘松山奈龍骨煎濃湯。

日日熏洗寬而冷者加石硫黃煎。

陰挺飛簪六兩桃仁一兩五味子雄黃各五錢銅綠四錢末之煉蜜丸每重四錢即以方。

內雄黃為衣。坐入玉門即愈。甚者不過二次。

陰瘡陳蚌殼煨。兒茶輕粉飛滑石人中白煨各三錢。枯礬龍骨煨各一錢。冰片三分。共研麻油調搽。

陰爛。煨牡蠣飛滑石各三錢。陳蚌殼煨二錢。人中白煨一錢。龍骨煨錢半。冰片二分。共研末糝之。

房後陰痛。地榆煮酒服。

陰傷出血。五倍子研末糝之。或加血餘黃連白礬灰亦妙。或以青布燒灰。血餘等分。研敷之。

蛇床子研末。綿裹納陰中。立效。

小便不通。生白礬末五釐。入臍。以一指甲水滴之。

皂角煎湯洗陰戶。

淋滯淫濁。屬於濕熱者。淡豆腐漿調六一散服。亦治男子淋濁。屬於陰虛火動者。以生雞子打散。淡腐漿衝服。亦治勞嗽。效。血帶脈虛而不攝者。海鯽蛸粉。魚鱈煮爛。搗九梧子。大吞服。自愈。

血崩不止。淡腐漿一椀。韭菜汁半椀。和勻空心服。



棉花子童便浸一宿為末每一錢側柏葉湯下極效兼治勞嗽吐血

調經種子保胎丸白茯苓二兩白朮土炒條苓酒炒香附童便炒延胡醋炒紅花隔紙焙乾益母草淨葉各一兩真沒藥三錢瓦上焙乾去油共研細蜜丸梧子大每日七九白湯下。沉愆者服之自調不孕者服之即娠胎動者服之即安胎滑者服之自固若胎動者每日可服三五次胎滑者有孕即宜配合每日服之勿斷自然無事亦且易生但每次七丸為則不可多服一九至囓

慣於三月小產諸藥不效者日以梅梗三五條

綠考梅樹上者尤良

煎濃湯飲復飲龍眼湯甚驗

南小蒂頻煎渴服

催生用荷瓣一張上書一個人字嚼而吞之立產

車前子四錢冬葵子三錢炒枳殼二錢白芷一錢多日不下者可煎而服之

六一散催生最妙兼下死胎竝治熱產惡露不行

胎澀不下用鮮猪肉三筋煎清湯次去浮油恣飲即產

生牛膝一兩酒浸杵爛以龍眼肉六兩煎濃汁沖牛膝酒內服之即愈

過月難產用舊絹篩羅底一箇捲筒燒碗內白湯下即產

盤腸生以生牛乳搗鼻中腸自收

橫生以益母草一兩酒煎濃汁和童便一大瓊服

諸般難產用陳麥桿露天者尤妙一兩洗淨剪寸段煎湯服極效

產下子腸帶出切勿剪斷致傷母命以枳殼煎湯熏洗即收

胞衣不下生雞子清一枚吞之即下

鮮荷葉濃煎服良或用伏龍肝末醋調納臍中

死胎不下萹麻仁三粒巴豆仁四粒麝香二分同研成餅貼產門上交骨其胎立下即好

胎至足月臨盆久而不下之難產亦可貼而即產但勿用之稍早恐有樞苗之害也

伏龍肝一兩研細甘草湯調服冷飲能解諸般中毒

產後小便不通陳皮一兩為末溫酒下二錢

產後暈絕生半夏末冷水和丸如豆大納鼻中灌以熱童溺薰以炭醋立甦

產後虛弱豆腐漿一椀沖入打散生雞子一枚再加豆腐皮一張龍眼肉十四枚白沙糖

一兩同滾透五更空心服蓋產後失調往往延成勞損而貧戶醫藥無資富家每為藥

誤特采此方甘平和緩補血滋陰貧富皆宜允為妙劑

小兒初生以猪膽汁一枚入湯浴永不生瘡

初生無皮泥地上臥一宿即生冬月以白米粉燥撲之候皮生乃止

小兒開口不宜太早須生下一周時以大黃黃連生甘草等分泡汁飲數匙然後吃乳  
初生小兒白膜裹舌或褊舌根可用指甲刮破令血出以燒礬末半綠豆許敷之若不刮  
破其兒必啞

初生小兒兩目紅腫赤爛不開以蚯蚓泥杵塗顙門乾則易之三次必愈

生南星生大黃等分為末醋調塗兒兩足心雖月外亦可用

初生驚風欲死末砂磨新汲水塗手足心

初生小兒便秘一味生大黃泡濃汁飲之小便不通者用清明插簷朝南楊柳枝煎湯服

亦治大人溺悶

遊風伏龍肝為末雞子清和塗乾則易之如治浸淫瘡以猪脂和敷

胎毒胎瘡臘脂膽礬黃柏東丹等分研末菜油調搽

水邊柏樹根白皮晒研入雄黃末少許生油調搽

稀痘法生黃豆生綠豆生白扁豆或黑豆亦可生甘草銀花等分常煮湯代茶飲

橄欖核七個打碎去仁晒乾研極細末不可見火勿沾生水再用玉蝶梅花二十一朶

去蒂加淨白蜜二茶匙共搗濃交春分時與兒食之水不出痘即出亦不過三粒

芥菜俗作甜芥米即葵菜一名滑菜一名蒼達一名女芥性滑可浣油膩煮而供蔬食妙

小兒能食。即以乾柿飯上蒸透。嚼飯飼之。能稀痘。併免疔瀉諸疾。

免痘法。淨銀花一觔。生晒研末。淨白密丸如龍眼大。日日與兒服之。可不出痘。甚驗。

蓖麻仁三十六粒。辰砂一錢。研爛。再入麝香當門子五釐。研勻。於端午日午時。塗小兒百會穴。暨心背兩腋曲池委中手足心。凡十三處。余在宜黃見越人王望沂少府云。其家用此法。已數世。不出痘矣。

凡居窮鄉僻壤。值嬰兒發痘。不能迎醫者。須於微發熱時。用手蘸真麻油。摩其背脊下至尻骨。如此數次。其熱自退。

痘疹不出。以及悶痘。不發毒脹滿者。此係急證。用青蘆漿頻服。則痘立起。其寒散解毒之功。勝白鴿。蚯蚓多矣。

痘發不出。頭面腫脹。氣喘垂危者。用大蔥頭杵爛。放在大銅盆內。上用木架架之。再以大被單罩蓋。停當大人抱定小兒。睡在上面。然後將沸湯沖入葱盆內。熱氣熏蒸。俟稍溫。即抱出。切不可露一絲之風。直待汗乾。即差。

悶痘。分開頂門有紅筋。紅癰。挑破。即出。

痧疹。咽喉腫痛。不拘初起。回後。用苦參三錢。白僵蠶二錢。研細吹入。

痘出眼內。新象牙磨水滴眼內。即退。

兒生母中指上刺血一點滴入眼內即退

痘瘡潰爛用青茶葉滾水略泡攤於草紙上以絹蓋之臥兒於上任其展轉即愈

痘爛生疽以柳葉鋪而臥之蛆盡出

痘毒泡過茶葉晒乾為末五倍子等分雞子清調敷

又法生黃豆口中嚼爛塗之不必留頭數次即消極效

痘疔青蔗渣晒乾真香油點燒成灰以津液調勻銀簪挑破點之立效

諸疔南天竹煎湯頻服

螻螂去頭足翅焙乾與食疔愈則不要食此矣

使君子肉二錢雷丸檳榔各一錢黑丑頭末五分俱生曬研末每服三分以雞卵一枚

打破空頭內藥紙封飯上蒸熟食之藥完病痊

積滯海蜃息苾常煮食之兼治大人痰喘及肝乘胃痛浸燒酒飲能消大人胸中痞塊又

紹興青腐乳作下飯能消疔積治腹脹身黃

驚風鈎藤鈎甘草各五分水煎服

驚風人手指甲長寸外者煎湯服

開通元寶錢以水磨服少許神效俗讀開元通寶者非

按俗謂驚風者即火動風生之癩癧也。金能制木，可息內風。國朝康熙通寶錢，熙字作正楷從臣，不仿帖體從臣作熙者，乃平西藏時鑄藏中佛相所鑄，故世謂之羅漢錢。銅色如金，俗又呼為金錢。愚民往往私毀改為首飾，酷似真金。蓋其鑄佛之時，多雜金寶於銅內也。入藥更勝，遠駕開通元寶之上。

小兒癩疾不能服藥，以黃丹五錢，生礬三錢，胡椒二錢五分，麝香五釐共末，好醋調敷。男左女右手心，絹包手掌，藥熱汗出而愈。一方可效三人，未曾食穀之兒，久癩不已，濃煎冰糖湯服，神效。

小兒久瀉，身熱最危，以炒黑松花一錢，炒紅麴二錢，共研分二服，白糖湯調下。暑風取淨黃土鋪地上，以芭蕉葉為薦，臥兒於上，飲以益元散，鮮竹葉湯調下。

小兒體弱，夏月最多此證，切勿誤認為驚，妄投峻藥。

癩證俗呼羊癩風，用經霜老茶葉一兩，明礬五錢為細末，水法丸，辰砂為衣，每三錢開水下，三服全愈。

又方用二陳湯加青皮、丹皮、石菖蒲、辰砂為劑，甚效。

手足拘攣，用草本水楊柳酒煎服。

鬼箭風，用野苧麻、天南星同搗敷。

狐魅以珠蘭花根搗爛塗陰上。但此花根有毒，勿入藥服。狐沾之即死也。

邪氣蠱惑，以蠶屎蒼木燒之即安。又麝香一二兩佩之良。

便毒以棉地榆四兩穿山甲二片土炒白酒三椀煎一椀空心服。雖有膿者亦愈。

全蠍貫衆生礬等分為末空心調服一錢。

棉地榆四兩生甘草銀花各一兩白芷三錢皂角刺二錢五分水二椀煎減半空心服。

胡桃二個連殼杵碎澤蘭白芨松蘿茶各三錢井水河水各一椀煎取四分和酒服一

劑如二三劑愈。蔣附治驗。

陰囊腫痛葱白乳香搗爛塗之。

硼砂一分水研塗之。

棉子仁煎湯洗之。

萬年青根搗汁熱酒沖服。

腎囊風雞子黃炒出油搽之。

陰囊濕腫紫蘇葉浮萍各一兩水煎熏洗。

囊瘡作爛六一散四錢赤石脂二錢紫蘇一錢五分兒茶一錢共為末糝之。

腎囊皮爛龜板炙存性研入水片少許麻油調塗即愈。

囊癰初起以獨核肥皂數箇用乳香四兩裝入外將濕草紙包煨火須先文後武以烟盡為度出火氣研末每服一錢五分三服即愈

疝氣乾荷葉蒂二十一箇炒焦海金沙三分好酒一椀煎一滾乘熱服以醉為度即愈

雞子殼燒灰為末空心溫酒下二服即愈

牛蒡子根葉搗爛絞汁和好酒服之覆被出汗水不再發

精滑善遺牽轉白牛法最妙其法不拘布帛做一小兜將外腎兜起拴在腰後袴帶之上此病自免道家謂之張果老倒騎驢或以刺蝟皮焙研黃酒調早服

又靈雪丹甘草薄荷甘遂樟腦蘇葉陽起石各三錢共研末椀盛紙糊口細錐紙上密刺小孔另用椽覆椀上椀邊寬餘半指黑豆麩固濟砂鍋底鋪粗砂加水坐椀砂上出水一寸炭火煮五炷香水耗常添熱水香完俟水冷取出入研麝香少許人乳浸化蟾酥少許蔥涕官粉煉蜜為丸綠豆大瓷餅封收用時以唾津在掌上研半丸塗玉塵頭上一時塵頂酥麻便是藥力透徹凡遺泄不止勢在危急者先煉此丹保固腎精于日落時研塗即能秘精一夜不泄再用湯丸調治

老年夜多漩溺晚食稷米糍即效若溺時玉莖痛而仍頻數不赤者生黃耆一兩甘草一錢煎服甚者日二服即愈



下疳先以大小薊地骨皮煎湯洗淨再用黃柏黃芩官粉珍珠冰片研細敷之立效

橄欖燒存性白螺螄殼古泥墻上者浸去泥醋煨各一錢研末加冰片一分研勻麻油調搽濕者搽之須先用甘草花椒湯洗

鮮小薊鮮地骨皮各五兩煎濃汁浸之極痛者不數日而愈

鮮稀莨草葉貼之

黃花薔薇葉焙研糝之

橄欖燒灰研細末糝之

二便不通皂角末葱白連鬚加麝香二分蜜少許杵貼臍下至毛際再以韭地蚯蚓泥搗

和水澄清飲之尤妙

坐板瘡松香五錢雄黃一錢五分研細和勻以棉紙包裹攪成條臘月猪脂浸透點火燒

著取滴下油搽之立效

藤黃搗碎糝在雄猪網油之上以青布一長條捲緊線紮浸菜油內一夜取出火燃取

滴下油以杯承之埋土中一宿去火氣壅上即愈

甘蔗皮燒存性研麻油調搽

腎癰芙蓉葉研胡椒研各二錢野苧根一兩葱頭七箇酒糟兩許共杵爛加米醋和敷即

消

脫肛萬年青連根煎湯洗用五倍子末敷之。或先以麻油潤之。再用風菱殼煎湯洗之。

鼈頭煨存性研加冰片糝之立收。

腸風痔血棉花子炒黃黑色去殼為末陳米濃汁加黑沙糖丸如梧子大每晨開水送二

錢服三觔斷根

生豆腐渣鍋內炒燥為末每服三錢白沙糖湯下日三次遠年垂危者亦效

瓜子殼一味煎濃湯服立愈兼治吐血

鴉膽子即苦子已試取固固仁每七粒以龍眼肉包之每服三包白湯下重者日三服忌葷

酒戒鴨肉兼治休息久痢極效

柿餅煨存性研再以煮爛柿餅杵和丸如梧子大仍以柿餅湯下久服神效王道法也

久瀉不痊生葱杵爛入黃丹為丸如豆大填臍中外以膏藥封之

陳火腿煨存性研鍋心飯焦各三錢炒松花一錢米糊丸參湯下

痢疾肛門腫脹如痔狀冰片研細乳調搽或以木鱉子五倍子共研調敷

膝瘡白蘆服打爛貼患處瘡口上一日一換三日毒血去盡再用松香一兩杏仁二十粒

去皮細黃丹八錢輕粉五錢雀羊角燈底火焙三錢共研極細麻油調搽一日一換數

日即痊

葱鹽湯洗淨拭乾馬勃粉敷之良

黃蠟白蠟輕粉韶粉乳香等分為末臘月猪板油麻油各半化勻調前藥攤薄油紙貼之兼治血風瘡之久不結痂者

先以鹽湯淋洗用帛拭乾後以白糖霜津唾塗敷

生豆腐渣捏成餅如瘡之大小先用清搭洗淨絹帛拭乾然後貼上以帛束之一日一換瘡漸小肉漸平而愈亦可貼脚趾但勿落生水

龜板炙爐甘石煨各三錢輕粉二錢水片一二分共研細末麻油半杯銅銚內熬滾入白蠟黃蠟各二錢溶化離火將凝入前藥末攪勻攤油紙貼患處以葱椒甘草湯洗一日一換

鹿角灰乳香末研勻清油調敷

用清涼藥不效者宜之

柿葉燒存性同川椒研末搽之

生豆腐渣柿餅同搗爛貼患處以帛束之立效

黃牛矢曬燥煨黑四兩烟膠末一兩共研少加水片香油調搽蔣附治驗

脚氣俗呼流火以大張海蛇皮包之乾則易

生煤炭研極細醋調塗之

朴硝大黃寒水石牙皂為末雞子清調敷

人中黃研細芭蕉根汁調塗

蘆服煎湯洗之仍以蘆服晒乾為末鋪靴內

馬前子一個以粗碗底磨水用雞毛掃遍日掃五七次立效兼治痔瘡

不論男女濯足宜頻濯時水中宜加入鹽酒一錢終身用之可免一切足疾以酒能去

風火濕熱垢濁而潤皮膚舒筋骨真妙法也

女子纏足究不知始自何人袁簡齋先生謂濫觸於李後主乃於續齊諧中云其嬌揉造作毒流天下後世是以永墮泥犁之獄誠深惡而痛恨之也然余見北齊刁玉奴雲

峯山四疏內有規奴雙趾持之而生憐之句則南北朝已有纏足之風袁又云俗有火

化其父母之骸以為孝者遂有裹小其女子之足以為慈者敗俗傷風事同一例無如

相沿成俗雖我朝之仁政不能革其陋習良可歎也不得已采李瀨湖本草綱目內

閨閣事宜一方于此映聊絲玉趾之疼易效蓮鈎之式不致呼號慘切免其戕賊成癆

惟願仁人廣為傳播用經屢效洵是神方桑根白皮四錢肥皂子浸去黑皮二錢杏

仁一錢水五梳新餅煎至三梳入朴硝五錢乳香一錢封口煎烺置足於上先熏後洗

三日一作十餘次。後輒若束棉也。束時以羅細生白礬末少加白洋糖糝之。每于洗足湯中入鹽酒一杯。不生足疾且無端皸之患。皆閨中秘方也。

纏足生瘡。用甘草湯淨洗。以荆芥燒灰研細。葱白汁調搽。

諸癬龍眼核醋磨塗之。

大黃藤黃雄黃硫黃薑黃等分為細末。菜油調塗患處。兼治脚上雞眼。

喫髮癬。煨石膏末糖調塗之。藜蘆龍胆草浸油搽髮。或加秋葵花尤妙。

鵝掌癬。豆腐泔水。日日頻洗。

牛皮癬。桃樹根白皮。同膽礬杵爛敷。

紫白癩。風蘆服汁調生礬末三錢。先以布擦損塗之。

瘤贅。用甘草煎膏。筆塗瘤之。四圍塗三次。另用芫花大戟甘遂等分為末。醋調。別以筆搽。

瘤上勿近甘草。次日即縮小。又以甘草膏塗其外。重三次。再搽三末于其中。自然漸焦。

矣。

血瘤初起。以薄棉花剪如瘤子一塊。在雞子清內浸濕。貼之。略乾。仍以筆蘸雞子清潤之。

勿斷。四五日即消盡。

血痣潰血。涓涓不絕。諸藥不能止。用五靈脂為末。糝上即愈。

九竅及髮根出血不因服毒者名大衄血乃極虛欲脫之證急取泉水一桶燒酒一觔扶病人坐定裸其腿以燒酒淋之俾酒從踝下即滴入水桶內淋訖將其腿浸入桶中其血即止亟令將年乳婦以乳哺之再用遼東紅旗海參他處者亦可一觔切片焙為末每三錢調服日三次蓋海參能生百脈之血諸補藥之所不能及也

禿瘡紫蔗皮煨存性研末香油調搽

舊羊角燈底瓦上煨存性研麻油調搽

鮮蠶豆搗如泥塗之乾即易三五次即愈無鮮豆以乾者水泡搗之亦可

海螺蛸二兩輕粉一兩松香三兩共研細油調搽

腋癰瘰癧用糯米飯乘熱入鹽塊葱管少許杵極爛如膏貼患處即消

多骨疽白花芙蓉葉曬乾大黃五倍子各一兩藤黃生礬各三錢麝香冰片各二分共為末

米醋調如厚糊塗其四圍留中一頭如豆大以醋用鵝翎掃之若不掃則無效一日夜

即內消并治一切癰疽敷之並效

一切惡瘡無名腫毒用生豆腐渣于砂鍋內焙熟看紅腫處大小量作餅子貼之冷即易

以愈為度

獨核肥皂生芋芡各一個葱白七個同搗爛敷之乾即易過一周時未成者即散已成

者略出膿即愈

烟管中油塗之立散兼治蠱脹用油紙攤貼

野芋根搗汁醇酒和服渣敷患處露頭蓋被出汗即出膿水而愈雖發背對口亦可治

大半頭生杆爛敷之

龍眼核為末水調塗之

大黃五錢木鼈土炒三錢共研細末醋調圍之

老菱殼燒存性油調塗

白礬末熱水調塗

臘月煉淨猪板油一觔入白蠟半斤化勻再下好樟腦四兩攪勻瓷器收藏勿令出氣  
患處先以葱白花椒甘草猪蹄湯洗淨用無灰棉紙攤膏貼之並治湯火傷及腫瘡濕  
毒久不愈者神效無比

泡過茶葉杆如泥敷之乾則以茶汁潤濕抹去再換五六次即愈兼治蛇咬及火燒成  
瘡

脚發背初起甘草鹽酒煎湯洗即消

諸瘡潰爛不愈木耳焙乾研末白砂糖等分用溫水調敷縛之神效

移毒法以藤黃銀硃等分醋和敷毒之半圈即移他處出毒

弩肉不退硫黃研細末敷上即退再用泡過茶葉五錢烏梅三個燒存性共研敷之即收

口

褪管法人手指甲<sup>馱</sup>象牙屑穿山甲<sup>馱</sup>各研細乳香沒藥<sup>俱</sup>硃砂<sup>水</sup>飛<sup>藥</sup>羊角燈<sup>底</sup>須十年外者打

<sup>碎</sup>炒為極細末各三錢合勻再研以黃蠟化和丸如椒大初服五丸次服六丸逐日加

一丸服至十日到十一日每日減一丸退至五丸再逐日加一丸加至十四丸仍從五

丸服起周而復始每日空心陳酒下管漸褪出盡為度

一切癰疽金瘡破爛生蛆諸藥不效者用海參切片焙燥研敷蛆皆化黃水流出再用生

肌藥收口即愈

韞瓶<sup>瓶</sup>腋氣也俗名狐臭又曰肋腥臭一作體氣用大田螺一個巴豆仁一粒膽礬一豆<sup>詳</sup>

麝香少許先將螺以水養三日吐去泥土揭起屬人藥於內用綫拴住放瓷碗內次日

化成水凡用須五更時將藥水以手自抹其兩腋下不住手抹藥直待腹中欲瀉卻住

手要揀深遠無人到處空地內出大便黑糞極臭是其驗也以厚土蓋之勿令人知如

不盡再抹之又去大便次用枯礬一兩蛤粉五錢樟腦一錢研細擦之以去病根

精猪肉兩大片以甘遂末一兩拌之五更時挾腋下至天明以生甘草一兩煎湯飲之



良久瀉出穢物。須棄野地中。恐棄傳人也。五次即愈。虛弱者間日為之。

預備夾棍方。用肥皂子水浸透。去外黑皮。用裹白肉併仁杵如泥。如明日用事。今晚以此敷之。上至脚膝。下一節。下至脚底板。心併指甲內處。處敷勻。不可有一毫空隙。處用油紙包之。外用裹脚纏足。其藥與皮肉一樣顏色。不變。雖遺免。抑略無妨礙。出來時以黃豆漿溫水洗之。其豆漿須預先一日將豆泡爛磨漿候著用。神效方也。

夾棍傷。一出衙門。即用熱童便一盆。將足浸之。如便冷。預燒紅甌二塊。淬之。即熱。直浸至童便面上。浮起白油。其傷盡出矣。不痠不痛。再用肥皂搗如泥。雞卵清和塗傷處。以草紙包裹。脚縛緊。一夜不可動。即差。

又方。猪油四兩。胡椒照人一歲一粒。搗爛敷上。紮好。勿洗去。併勿解動。一夜亦差。

夾傷骨未碎者。土牛膝搗敷。骨碎者。土鼈蟲同活蟹搗敷。

夾杖杖傷。死血鬱結。疼痛壞爛。命在頃刻。用麝香一分。冰片三分。乳香沒藥各二錢五分。樟腦二錢。輕粉血竭各三錢。共研極細。後將黃蠟一兩。猪板油一兩。二錢同化。調藥成膏。貼患處。晝夜流出惡水。即時酥醒。

杖丹。生豆腐鳳仙花連根葉同杵爛。打出敷上。乾則再易。三日全愈。

桑葉二三斗入餅內。麻布紮口。放陰處臭爛。過霜後取出。榨去渣。以小餅收貯清汁。搽

上即止痛。二次立差。

綠豆粉炒研。以雞蛋清和塗止痛。

玉簪花手搓熟。貼杖破處。即差。嫩荷葉貼亦妙。

鳳仙花葉杵如泥塗腫破處。乾則易。一夜血散而愈。冬春須預收乾者。研末水和塗。大黃滑石赤石脂等分。研細。茶湯洗淨。糝之。

如受杖後。以葱頭煮湯楷洗。再將松香四兩溶化。又將葱一握搗爛入松香內攪勻。攤一膏藥貼患處。外以棉帛掩上。紮定。五六日愈。

杖傷出蛆。真麻油澆之。

杖丹。長肉臘月猪油一觔。黃連四兩。熬至黃連轉焦色。去渣。入白蠟黃蠟各二兩。收之。敷患。上帛扎緊。自愈。

血竭白蠟各一錢。硃砂輕粉各二錢。研粉糝之。一日即平。

杖癬。細茶二錢。輕粉乳香象牙末各一錢。水銀木香各五分。麝香少許。為細粉。雞子黃蠟。香油調搽。

諸閃肭。或打傷。不出血。但有青紫內傷者。先以葱白杵爛炒熟。將痛處擦徧。隨用生大黃研末。薑汁調塗。盡量飲以好酒。雖三月半年者。悉效。

閃腰木香一錢麝香三分共研細右痛吹入左鼻左痛吹右鼻令病手上下也  
閃頸胸腰硼砂研粉以骨簪蘸唾沾粉點兩目淚出即鬆三點全愈

攣閃傷筋結核腫痛若便成毒最難治療切覺急用火酒燉溫手蘸輕拍患處數百下隨  
以韭菜杆爛卷一周時次日再拍再卷以差為度極效初拍覺疼宜忍之拍久則不疼  
矣

臂膊脫散生地黄搗如泥攤紙上糝以木香末一層再鋪地黃泥一層貼患處

瞽目重明法淨皮硝六錢鮮桑根白皮二兩以新砂礮河水煎透傾出澄清溫涼洗之少  
頃又洗每月止洗一次日期列左每日須自早至晚洗十餘遍且須齋戒清心靜養勿  
動嗔怒勿食韭菜蒜昏神之物勿犯穢濁焚向東洗一年病深者洗二年一切目疾皆效  
洗眼日期

正月初五 二月初二 三月初三 四月初九

五月初五 六月初四 七月初二 八月初十

九月十二 十月十二 十一月初四 十二月初四

閏月照前按世俗誤用桑葉洗眼甚至損目方中所用乃桑根白皮切勿誤傳為桑  
葉也

肝胃久痛。諸藥不效。或腹有癥瘕。此方皆驗。名梅花丸。孕婦慎用。

綠萼梅蕊三兩 滑石七兩 丹皮四兩 製香附二兩 甘松蓬莖送各五錢 灰

苓三錢五分 人參或用參鬚亦可 嫩黃耆砂仁益智仁各三錢 遠志南二錢五

分 山藥木香各一錢五分 桔梗一錢 甘草七分 凡十六味共研細末 白蜜

十二兩。搗丸如龍眼大白蠟封固。每服一九開水調下。此方傳自維揚。吾鄉沈月枝封

翁幕於姑蘇時。患心腹久痛。諸藥罔瘳。得此而愈。遂照方配合。施送。服者多效。今高芝

檢先生家踵其事。求藥者日益廣。但用藥甚奇。其分兩之多寡。亦難測識。謹附錄之。以

質博雅

腹痛紅棗二枚 巴豆三粒 同杵爛裹縛臍上立止

截瘧膏 硃砂胡椒各一兩 研極細 無聲瓷研密貼 瘧久者用煖臍膏一張 挑藥末一茶匙

于膏藥中央 勿令四眼見 對臍緊貼 瘧止勿揭 聽其自落 神效 孕婦忌之

愈風酒

陳海蟄十二兩 馬料豆 嫩桑枝 松鍼杵爛各四兩 醇酒七觔 封浸煮炷香

喇嘛酒 治半身不遂 風痺麻木

胡桃肉 龍眼肉各四兩 杞子 首烏 熟地各一兩 白朮 當歸 川芎

牛膝 杜仲 白芍 豬鬃草 茯苓 丹皮各五錢 砂仁 烏藥各二錢五分以用上絹袋盛之入瓷瓶內浸醇酒五觔隔水燉濃候冷加滴花燒酒十五觔封貯七日可飲矣。

宮方定風酒補血息風甚有奇效余于辛丑年視伊協揆之證得此方凡患虛風病者飲之輒愈且藥味平和老年者頻服極有裨益而無流弊真妙方也但飲貴微醺不可過恣耳。

天冬 麥冬 生地 熟地 川芎 五加皮 牛膝 秦光各五錢 川桂枝 絹

袋盛之汾酒二十觔淨白蜜赤沙糖陳米醋各一觔攪勻浸以瓷壺豆腐皮封口壓以巨瓶安水鍋內蒸三炷香取起埋土中七日可飲矣。

清和酒不能斷飲之人可用此法庶幾飲而無弊焉。

直生地 八兩 天冬 四兩 銀花 八兩 生豬脂 一觔 生棗豆 一升 耿柿餅一觔切碎 汾酒二十

觔密封浸之一月後可飲久藏不壞。

按酒性熱而火酒尤烈故浸酒方忌用辛竈之品以助其虐而世人往往犯之殊不合制惟此四方用藥深著精義洵為可法他如神仙百益百歲之類徒有美名而功不補患幸勿為其所愚也。

灸火先當辨證論汪省之曰素難諸書皆言陽氣陷下者脈沉遲也脈證俱見寒在外者  
冬月陰寒大旺陽明陷入陰水之中者並宜灸之設脈浮者陽氣散于肌表者皆不宜  
灸丹溪亦曰夏月陽氣盡浮于表今醫灼艾多在夏月甯不犯火逆之戒乎或者因火  
而生熱脈發黃腰痺咽燥唾血者往往有之尚不知為火逆所致甯甘心於命運所遭  
悲夫經曰春夏養陽以火養陽安有是理論而至是雖愚亦當有知者焉又夷堅志趙  
三翁云世人但知灼艾而不知點穴又不審虛實徒受其痛耗損營液有冷疾者使其  
仰臥揉艾偏鋪腹上若五六月間就屋上開穴取日光照射自然氣透臍腹如冬春  
可用熨斗盛灰火慢熨之皆以患者鼻聞濃艾氣為度宿苛自去按此名天灸功勝灼  
燭藥筒火鍼亦宜慎用仁術志有論宜參

癆病之因非一總緣情志不舒所謂七情不損五勞不成者真至言也然有藥治病無藥  
移情故素問云二陽之病發心脾有不得隱曲女子不月其傳為風消其傳為息奔者  
死不治蓋二陽者陽明也陽明為多氣多血之經衝脈隸於此苟心之隱曲不伸脾為  
思慮所困則鬱火內燔營液暗燥陽明漸涸衝脈乃衰血耗風生亢怒肌削勢必君相  
二火升騰氣逆奔迫而死也俗謂之乾血癆惟室女尼姑婢女最多患此孟子曰女子  
生而願為之有家誠以飲食男女人之大欲存焉奈何為人父母與主人者之不曲體

人情也。若能稱家有無不琴富貴。遂其所願。嫁不失時。何至玉折蘭摧。嗟。臍莫及耶。而富貴之家。逸居無教。輒以小說演義諸書。為解悶消閒之事。佳人才子。誘掖成癆。尤易也。婢女雖非我生。尤當曲加憐憫。忍心久錮。決裂堪虞。更有鄉愚。為人所誑。每將幼女送入空門。拂性違情。慘同桎梏。良可悼也。世人不察。但疑今人元氣日薄。故多勞損。不知古今元氣不甚相殊。七古來稀。匪由今日始。而人多癆病。實係乎茲。惟望有覺世牖民之責者。嚴禁傳奇小說。毋許鄉民幼年出家。庶可肉白骨於香閨。濟紅顏於毒域。洵造無涯之陰德。豈徒有關於風化而已哉。

虛癆慾火。甘梨汁胡桃肉研各一斤。芽茶五兩。懷生地當歸末各六錢。熬至滴水成珠。入雞子清一枚。貯瓷瓶內。封口勿令出氣。冷水浸去火毒。每晨服一匙。

飢飽勞逸皆能致疾。而飽煖二字尤為釀病之原。故神農氏播穀之餘。即收藥味。有能民垂裳之際。聿著方書。周公贊易。于頤卦以慎言語節飲食二者為養身之切務。古樂府云。晚飯少吃口。活到九十九。放翁詩云。多壽祇緣餐飯少。釋氏有過午不食之戒。寓意草亦極言少食為養脾之妙法。諺有之曰。禍從口出。病從口入。蓋肥甘過度。每發癰疽。酒肉充腸。必滋穢濁。重蒸為火。凝聚成痰。汨沒性靈。變生疾病。凡遇時疫流行之際。更為召疾之媒。苟臟腑清虛。素甘澹泊。氣機不為濁壅。邪氣不能逼留。雖感六淫。易于

解散。惟內濁既甚。疫氣易招。同類相求。如膠入漆。治之費加。死者恒多。慎疾之人。毋貪口腹。至於勞逸之論。莫詳於魯。故姜勞力者。恒享太平。逸惰者。常多疾疫。後人無識。改爲飢飽勞役。不但文理不通。亦且僅知有勞傷之病。而不知有逸欲之病矣。噫。此溫補之門。所以日開。而炎黃之道。所以日晦歟。抑何陋哉。

辟疫方。以枇杷葉。拭去毛。淨鍋炒香。錫瓶收貯。泡湯常飲。取其芳香不燥。不爲穢濁所侵。能免夏秋一切時病。若別藥恐滋流弊。方名雖美。概弗輕試。而薄滋味。遠酒色。尤爲先務。外以諸葛行軍散。搐鼻。可辟屍穢惡氣。食井中宜入白礬。雄黃。水缸內以菖蒲根浸之。室內頻用大黃焚之。此外皆屬異端。不必惑也。

普濟解疫丹。治濕溫時疫之主方也。六元正紀五運分步。春分後交二運。火旺天乃漸熱。芒種後交三運。土旺地乃漸濕。濕熱之氣上騰。烈日之暑下燦。人在氣交之中。受其蒸淫。邪由口鼻皮毛而入。留而不去。乃成溫熱暑疫之病。則爲發熱。倦怠。胸悶。腹脹。肢疲。咽腫。斑疹。身黃。頤腫。口渴。溺赤。便秘。吐瀉。癰痢。淋濁。瘡瘍等證。但看病人舌苔。淡白。或厚膩。或乾黃者。是暑濕熱疫之邪。尚在氣分。悉以此丹治之。立效。醫家臨證。亦當準此化裁。自可十全。爲上方用飛滑石十五兩。茵陳十一兩。淡黃芩十兩。石菖蒲六兩。貝母木通各五兩。霍香。連翹。射干。薄荷。荷葉。白豆蔻。各四兩。凡十一味。不可加減。生晒研細末。



每服三錢開水調下。日二次。或以神麴糊丸如彈子。大開水化服亦可。

神犀丹專治溫熱暑疫諸病邪不即解。耗液傷營。逆傳內陷。癰厥昏狂。謔語發斑等證。但

看病人舌色乾光。或紫絳。或圓鞭。或黑苔。皆以此丹救之。若初病即覺神情躁亂。而舌

赤口乾者。是溫暑直入營分。酷熱之時。陰虛之體。及新產婦人。最易患此。急須用此。多

可挽回。切勿拘泥日數。誤投別藥。以債事也。兼治痘疹毒重。夾帶紫斑。及麻痘後餘毒

內熾。口糜烟腐。目赤神煩。瘰癧等證。但溫暑直入之證。告危甚速。竟有延醫不及之憾。

况方中犀角。鎊而煎之。味極難出。磨則需時。緩不及待。亦且價昂。非貧苦人所能猝辦。

惟望濟世為懷者。預將此丹配合。施送則患者易于得藥。救活必多。貧人亦可重生。豈

非陰德更望存心之藥。鋪誠合出售。僅取工本。獨于此丹不取利。亦不費錢之功。德也。

方用烏犀尖糖石菖蒲黃芩各六兩直生地冷水洗淨浸透搗絞汁銀花如有鮮者搗汁用尤良各一觔。奠

清連翹各十兩板藍根九兩淡豆豉八兩元參七兩紫草花粉各四兩。凡十二味不可

加減。生晒研細。以犀角地黃汁糞清和搗為丸。切勿加蜜。銀花如有鮮者。亦絞汁和入。

如汁少難丸。可將淡豆豉煮爛。如無糞清。可用人中黃四兩研入。如無板藍根。以飛淨

青黛代之。每丸重三錢。用涼開水調服。小兒用半丸。

玉樞丹一名解毒萬病丹。俗名紫金錠。治諸中毒。諸癰疽。五絕時疫。喉風。障氣。水土不服。

蛇犬蟲傷尸疰鬼胎顛狂驚忤百般惡證山慈姑去皮洗淨焙川文蛤即五梧子搥破洗刮內楞干金子淨霜各二兩紅芽大戟洗焙一兩麝香三錢各研細和勻粳米粥為劑每料分四十粒於辰日淨室中木臼中杵數百下再加硃砂雄黃各五錢名紫金片尤良

鴉片者云用噶喇吧鴉土所造故又謂之土或作阿片亞片者音之轉也產自外洋倭國故曰洋烟又曰倭烟彼處名為合甫融而有烏土白皮紅皮三種烏土為上彼處稱為公班故有烏烟之名內有罌粟花之脂漿芙蓉葵花亦可造台州福建亦有所產故有阿芙蓉漿漿台最建漿等號京師稱曰大烟所以別于尋常烟草也溫台人稱曰烟酒言其能如酒之醉人也俗謂之搵騙烟不僅諧聲也蓋彼外國法禁甚嚴無一人敢吸此烟者專極賣于中國而騙銀易土蠱惑愚人緣此烟吸人頃刻能遍一身諸藥無其迅速氣主宣升精神隨以上涌升提日久根蒂日虛烟癮日深銀錢日少必至傾家廢業絕嗣喪身而後已五十年來天下之蒙其害者人所共聞王子壽所謂挾無形之配毒爍九州之膏血開尾閭之大壑蕩四民之筐篋者是也故余目之為妖烟云其性甚熱最爍陰津妄人誤以為寒余於回春錄中曾詳辨之其生土與未經火煉之烟膏毒性尤烈服之昏躁氣絕甚至殺人世濃煎甘草汁或金汁可以解之生南瓜搗汁服

亦良。同酒服者難救。同醋服者尤不易救。火上煉過者毒較緩。向不吸此者。誤服亦能殺人。粳米和水搗絞濃汁可救。吸烟醉者。陳豆醬泡湯解之。醬油泡湯亦可。吸烟成癮者。用甘草一味熬膏調入烟中吸食二三日。即漸不欲吸矣。方簡價廉又不損人。且無後患。極深之癮一月可斷。但必痛悔堅心。無不神效。併望廣為傳播。俾海內烟癮全除。豈非大幸。又凡烟癮戒斷一二年內多食南瓜水無後患。

勸醫說黃退菴曰。每見有名醫家。不數年間必獲厚賞。其間實緣得當而愈人者固多。僥倖而得者亦復不少。宜修合良藥以施貧苦。疎財帛以行利人利物之事。則天亦原其情而錫其福也。莫謂我道勝人。分應坐享求田問舍。以傳子孫。墓木未拱。已有貨產廢棄者。比比也。何如早行善事。以為綿遠之計耶。

曲禮云。醫不三世不服其藥。俗以世業相承為解。實不然也。橘旁雜著言醫必父而子。子而孫。如是則其業精。始服其藥。若傳至曾元。更為名醫矣。其間賢者不待言。其不肖者奈何。因其世業而安心服其藥。設為所誤。生死攸關。雖患者不為也。况醫道通乎仙道。遠數十百年。偶出一豪傑之士。聰明好學。貫徹幽然。其上世並非醫者。舍是人而必求所謂三世者。有是理乎。漢儒謂神農本草。黃帝素問。元女脈訣。為三世醫書。醫必讀之。方為有本之學也。梁芷林中丞云。古之醫師。必通於三世之書。一曰神農本草。二曰

靈樞鍼灸。三曰素問脈訣。脈訣可以察證。鍼灸所以去疾。本草所以辨藥。非是三者。不可以言醫。注疏甚明。若必云三世相承。然後可服其藥。將祖父二世行醫。終無服其藥者矣。又沈歸愚葉香巖傳云。先生臨沒。誡其子曰。醫可為而不可為。必天資敏悟。又讀萬卷書。而後可借術以濟世。不然。則有不殺人者。是以藥餌為刀刃也。吾兒子孫慎毋輕言醫。嗚呼。可謂達且仁矣。噫。今之藉祖父聲名而不學無術者。可不鑒哉。

為醫者。非博極羣書。不可第有學無識。雖博而不知反約。則書不為我用。我反為書所縛矣。泥古者。愚。其與不學無術者。相去幾何哉。故柯氏有讀書無眼。遂致病人無命之歎。夫人非書不通。猶人非飯不活也。然食而化。雖少吃亦長精神。食而不化。雖多吃徒增疾病。所以讀書要識力。始能有用。吃飯要健運。始能有益。奈毫無識力之人。徂於如菜作羹之語。涉獵一書。即爾懸壺。應世且自夸曰。儒理喻氏。所謂業醫者。愈眾而醫學愈荒。醫品愈陋。不求道之明。但求道之行。此猶勉強吃飯。縱不停食。而即死。亦為善食。而形消黃玉。楸比諸酷吏。蝗螟良不誣也。更有文理全無。止記幾個成方。遂傳衣鉢。而世其家業。草菅人命。恬不為羞。尤可鄙矣。語云。用藥如用兵。善用兵者。岳忠武以八百人破楊么十萬。不善用兵者。趙括以二十萬人受坑於長平。噫。是非才學識三長。兼具之。豪傑斷不可以為醫也。父兄之為子弟擇術者。尚其察諸。

穩婆說按難產自古有之莊公寤生載於左傳故先生如遠不圻不副詩人以為異徵然先生難而後生易理之常也晚嫁者尤可必焉第亦有雖晚嫁而初產不難者非晚嫁而初產雖易繼產反難者或頻產皆易間有一次為難者有一生所產皆易一生所產皆難者此或由稟賦之不齊或由人事之所召未可以一例論也諺云十個孩兒十樣生洵至言也但得覓身順下縱稽時且不必驚惶安心靜候可耳會稽施圃生茂才誕時其母產十三日而始下母子皆無恙世俗不知此理稍覺不易先自慌張近有兇惡穩婆隨身攜帶凶器故為恫嚇使人不得不從其策要取重酬操刀醫生索謝去後產母旋以告殞者有之從此成病者有之奈賢賢者不知隨其術中翻艷稱其手法忍心害理慘莫慘於此矣設果胎不能下自有因證圖治諸方即胎死腹中亦有可下之藥自古方書未聞有鑿割之刑加諸投生之嬰兒者惟羸形之女交骨如環不能開折者俗名鎖子骨能受孕而不能娩如懷妊必以產厄亡此乃異稟千萬人中不得其二二者如尋常可開之交骨斷無不能娩之理也方書五種不孕之所謂螺者即羸字之譌也蓋驢馬交而生羸純牝無牡其交骨如環無端不交不孕稟乎純陰性極馴良而善走勝於驢馬然亦馬之屬也故易曰坤為馬行地無疆利牝馬之貞皆取象於此之謂也人賦此形而不能安其貞則危於娩矣施秋濤室兩次難產一女一子並遭鑿割聞

余說方疑其室之贏形也。而適有孕臨月產一男。竟無恙。始悟前此受穩婆之愚。而啞臍莫及也。

救荒法。按邱文莊公曰。荒歲之民。桂薪玉粒。吸水餐霞。耕羊積首。水靜星光。業藝者技無所施。營運者貨無所售。典質則富室無財。舉貨則工戶乏力。魚蝦螺蚌。索取已竭。草根木子。掘取又空。面皆飢色。身似鬼形。棄男鬻女。忍割心腸。乞之不足。又顧而他轉。轉號呼由。表前匍匐。氣息奄奄。須臾不保。或垂亡於茅舍。或積屍於道途。當此之時。非用方術。難以度過。此厄然。救飢辟穀之方。貴乎簡易。而荒誕不經之藥。流弊反多。茲以平淡而有效驗者錄之。幸勿哂其謔陋也。

馬料豆淘蒸極透。曬乾如是三次。九次更妙。為粉柿餅煮爛。去蒂核。與豆等分。搗丸如雞子大。每服一九。不用湯水。細嚼以津液嚥下。既能耐飢。且又滋補脾腎。更可任吃粥飯。遠行攜帶亦可代糧。

黃豆七斗。脂麻三斗。水淘淨。即蒸不可久浸。恐減其力。蒸過即曬。曬乾去殼。再蒸再曬。共三次。搗極熟。丸如胡桃大。每服一九。可三日不飢。此方所費不多。一料可濟萬人。

糯米一斗。淘淨。百蒸百曬。為末。每食以開水調之。服至一月。可以一年不飢。

脂麻糯米各三升。紅棗肉三觔。焙燥。磨末。窰瓦罈子大。每一丸。白湯下。可耐一日飢。久

服不餓

守山糧有心有力者宜預為製造以備荒歉用堅實盧甌不洩洗淨蒸熟俟半乾搗爛再以糯米舂白浸透蒸飯搗如糊二物等分合杵勻泥竹壁上待其自乾愈久愈堅不蛀不爛如遇荒年鑿下掌大一塊可煮成稀粥一大鍋食之耐飢或做成土坯式砌墻亦可以上諸方價廉物易諸無所忌別無所損既平淡而又神妙惟願仁人廣為傳播焉

又周臺公曰兵荒有警每每開倉發賑此自是良有司事而賑之無法則奸胥作弊百姓不能沾其實惠若聽其糶買則豪右冒充窮戶糶歸私倉貧民不能蒙其實惠此從來積弊也宜擇各坊寬廠寺觀僧家施粥例先令本坊窮戶預報花名造成一冊約計人數若干每日應用米若干為脫粟聽其就食男女有班都圖有界越坊覓食者誅男女混亂者誅庶幾粒粒皆果貧民之腹官府又無浪費之擾其稍能自存者又恥來隨眾就食較之聽民糶買滋弊萬端大相懸絕夫貧民得食則反側潛銷而富家豪族皆可藉手安枕矣按道光己酉年浙省大水奇荒吾杭紳富捐貲開設粥廠數十所僅取半值貧民賴以存活閭閻得以安堵今年春粵匪滋事江南失守吾杭貧民失業洵洵欲遂亦賴粥廠以安此等善舉洵堪垂法於後世也臺公又曰兵荒交警貧富皆姓

自宜有無相通。然而不肯捐助分文者。無非欲保其貲財。而與妻子共享富貴也。不知飢寒百姓。死亡切身。甘心應賊。導為標掠。則洞房曲室。非已所有。賊得淫之。牽衣執袂。桂子蘭孫。非已所有。賊得捲之。粉黛綠嬌。妻妾。非已所有。賊得淫之。牽衣執袂。桂子蘭孫。非已所有。賊得捲之。肢體髮膚。併非已有。刀俎惟賊。截解惟賊。祖宗邱壙。併非已有。發掘惟賊。剖毀惟賊。皆由不能散財之故耳。余所以苦口勸輸者。止為富貴之家。保全性命。豈區區勸有餘補不足已哉。按富貴二字。不易享受。須以學問識見。駕馭之用。所不當用。則為敗家子。用其所當用。不作守財虜。苟不知此。徒積金錢。為子孫計。則多藏厚亡。悔何及耶。臺公藥石之言。的是富貴家保全性命之簡效良方也。

救火要策。凡人烟稠。蜜之地。最慮火患。專恃取水。近便庶易發救。然亢旱之時。河井乾涸。苟非預籌注水之法。將何以杜剝廬之災。乾隆間。揚州余君觀德。創設水倉。法美意良。洵善策也。其法。凡人烟稠。蜜距河稍遠之區。買屋基一所。前設門楹。榜曰水倉。中為大院。置大缸百十隻。滿貯以水。嚴冬慮缸凍裂。每缸內入以粗松柴。一根。另用稻稈結為缸蓋。冒之。復置水桶百十隻。水龍數具。外鑄以鎖。設有火患。開取救滅。極為簡易。附錄此帙。冀各處仿而行之。吾杭素多火患。雖有官水缸之設。不但缸少。而貯水不多。且無局閉。居民傾潑土。且久則缸碎。而水無存矣。亟宜效法。是所望也。至泰西水法。所論水庫。及作井造次諸法。無不精妙。茲



不備載

續

寡慾說沈半綠云男女居室雖生人之大倫為聖王所不能禁然必行之有節則陰陽和而孕育易若淫慾無度則精傷氣餒神散血枯由是而潮熱而骨蒸而枯槁而羸瘦而尪怯變生種種年壽日促矣若夫艷冶當前姣媿在側情投意洽頓起淫心因而雲雨綢繆真精施泄雖此身殆斃有所勿顧即不然或逢娉相對村醜相臨未免有情因諧魚水甚至三妻四妾居室纏綿衾枕言歡匪朝伊夕更有捐茲閨閣戀彼龍陽有美鑿童心如膠漆要皆實有其事確有其人興之所到情之所鍾所謂一旦相依誰能遣此者獨可異者既無彼美終鮮狂且形不必其相遇目不必其相接忽然而心動忽然而火熾獨居無偶宛如有女同衾握手為歡不啻伊人在御直身頓足筋脈都搖而且火則屏而上矣精則罄而就下其為傷損較之實有其事確有其人者為尤甚焉矣則其精氣神有不歸於竭者哉所以婚嫁貴及時也余惺齋云周慎齋謂酒是邪陽色亦邪陽邪陽勝則正陽良誠至言也凡人逞慾藉酒為助自覺陽強可喜不知仍靠命門真陽作主慾既遂而邪陽息真陽始甯慾火頓起頓息真陽必漸用漸衰或慾起而勿遂其慾似與真陽無損然如燈火本明而於燈下另添一火以逼之此火漸旺則燈火漸滅理更可

悟。凡服壯陽藥。尊者總以泊然不起。慾火為妙也。  
藥皆同此理。

杜癆方。專治骨蒸癆熱。羸弱神疲。腰脊痠疼。四肢痿軟。遺精吐血。欬逆嗽痰。一切陰虛火動之證。輕者三料全愈。重者四五料除根。若先天不足之人。不論男女。未病先服。漸可強壯。常服更妙。以其性味中和。久任亦無偏勝之弊。屢收奇效。勿以平淡而忽之。  
用方

枇杷葉五十六片。刷去毛。鮮者尤良。咳甚者加多。不咳勿用。

紅蓮子四兩。不去心皮。

梨二枚。大而味甘者良。去心皮切片。

大棗八兩。同煮熟。後去皮。

煉白蜜一兩。便燥多加。溏瀉勿用。

先將枇杷葉放沙鍋內。甜水煎極透。去渣。以絹漚取清汁。後將果蜜同拌入鍋。鋪平。以枇杷葉汁淹之。不咳者。但以甜水淹之。蓋好。煮半炷香。翻轉。再煮半炷香。收瓷罐內。每日隨意溫熱。連汁食之。冬月可多製。夏須逐日製小料也。

咳嗽多痰。加真川貝母一兩。研極細。起鍋時加入。滾一二沸即收。

吐血。加藉節。搗汁同煮。

成方弊執一定之成方。治萬人之活病。厥弊大矣。昔東坡先生誤信聖散子。而作序流傳。

後人被其害者不可勝紀。續醫說載宏治癸丑吳中大疫。邑侯孫聲修合聖散子遍施街衢。服者十無一生。原孫侯之意本欲活人。殊不知方中有附子麻黃。良薑。葱。藿香等藥。皆性味燥熱。反助火邪。殺人利於刀劍也。奈今人偏信。凡士之言請醫定方。合藥施送。往往亦蹈此弊。孔子曰。好仁不好學。其此之謂乎。故是編於解毒神犀二方外。不多錄者。固由疎漏。亦敬慎之意也。蓋外治單方。凡效驗者。亟當傳布。若內證則病異。其因人殊。其體投劑。極宜詳審。設非王道之方。平和之藥。斷勿輕信。妄傳。誤人性命。苟廣此說以告人。亦仁者之一端也。若夫世俗相沿。如外感之五虎湯。瘧疾之柴胡薑棗湯。臨盆之催生丹。產後之生化湯。麻疹之西河柳。此物性同麻黃。故繆氏每與石膏櫻桃並用。殊有奇功。若獨用則大誤也。櫻桃核。痘科外科之桑螵蟬。蜈蚣之類。皆人受其害。而習焉未察者。更有飽煖之家。無病服藥。如六味丸。八味丸。全鹿丸。歸脾十全。及壯陽種子等方。滋弊尤深。不勝縷述。聊引其概。智者慎之。

徐洄溪所批葉案。頗有可議處。如云。肝為剛臟。未知何出。余謂肺稟堅金之性。而體反虛浮。肝稟柔木之性。而體反沉實。故肺養其嬌。易遭侵剋。肝憑其悍。每肆欺凌。是以肺稱嬌臟。肝為剛臟。

批青果汁法丸為杜撰。余按古方丸劑多用蜜。為其味甘。草有協和諸藥之功。不拘何

證似可通融。且質粘易於凝合。遂相習成風。千篇一律。而不知蜜之為言密也。密者秘也。固也。故蜂王出入。滾成珠團。醞釀之所。不容人窺。何秘如之。蓄奇者。以蜜養之。而其氣不泄。鼎俎家蒸玉。而狸與黃雀。必先塗以蜜。雖沸爍。而其膏不走。固之道也。且味純甘而性極緩。故惟峻藥欲其緩。脾藥欲其守者。始為合法。否則欲補下者。有戀中之弊。欲運中者。有鈍膩之偏。欲宣經隧者。嫌固欲開沉痼者。嫌秘。自當各因其用。而隨時制宜也。青果即橄欖。色青而味酸微甘。用於此證。則清膽息風。蠲痰充液。莫云杜撰。深  
有巧思。觸類而通。慎毋泥古。

批陰傷及陽為古無此語。余曰。即下損及中之謂耳。

批肝陽吸其腎陰為無此病證。余謂肝陽熾而暗吸腎陰。猶之乎銜柱。大則膏易竭。子盜母氣。理所必然。患此者多。可云無此病證耶。

批海參淡菜為關後人亂道之弊。余謂海參肖男陽功。並從卷淡菜類。女陰性同烏鰂。古方雖未采用。而鮑魚雀卵素。固已作濫觴。但氣味腥鹹。非胃所喜。況究為食品。宜充虛人之饌。入藥力甚緩。而海參更有釀痰滑利之弊。中虛少運者。勿食也。

批下損過中難治為非越人語。余按此即難經論至脈從下上之謂也。雖語不如是。而義

則同。

批王先生即晉三。余謂殊無的據。又按晉三著古方選注於雍正九年。葉氏暨其高弟陸禹川吳正功為之校讐。而香巖沒於乾隆十年。或謂葉氏曾從晉三學。則涇溪何以不言。而選注中亦無門人之稱。合諸書觀之。則晉三於葉氏為前輩耳。非師生也。

批噫即呃逆。病者最忌。噯為飽食氣非病也。何可併為一證。余按噫於其切音醫。痛傷之聲。又於介切飽食息也。莊子大塊噫氣。俗作噯。編書者以噫噯名篇於義。實替。昧者讀噫為如字。固不足論。徐氏誤作二證。殊失考也。况噫有不因飽食而作者。亦病也。仲聖立旋覆代赭湯治病後噫氣。徐氏誤噫為噯。謂即呃逆。蓋此湯原可推廣而用。凡嘔吐呃逆之屬中虛寒。飲為病者。皆可治也。余嘗以治噫氣頻年者。數人投之。輒愈。蓋賈徐氏之僅泥為飽食氣者。為未當也。

批肺痺。明所列喘欬諸病。謂非經義。余按內經以秋過此者為皮痺。皮痺不已。復感於邪。內舍於肺。所謂痺者。各以其時。重感於風寒濕之氣也。又云肺痺者。煩滿喘而嘔。蓋痺音秘。閉塞不通之謂也。外感之邪。初著於皮。毛漸舍於肺。則治節不行。而為煩滿喘嘔也。雖經言風寒濕三氣雜至。合而為痺。而暑燥二氣亦何嘗不侵肺而為痺乎。所以病機之諸氣。積鬱諸痿喘嘔。喻氏謂即生氣通天論秋傷於燥之注脚。則喘咳氣逆之隸於肺痺。亦不為謬。惟前列腸痺。門乃使悶之氣。從開上者。考之經文。脾腸者。數飲而出。

不得。中氣喘爭時發殞池。注謂腸痺者。兼大小腸而言。腸間病痺。則下焦之氣不化。故雖數飲而水不得出。水不出則本末俱病。故與中氣喘爭。蓋其清濁不分。故時發殞池。然則腸痺者。乃小溲不通而大便滑泄。上兼喘渴之病也。編書者以腸痺與大便閉同類。殊乖經旨。

批呢門謂仲景治此以旋覆代赭湯為主方。余按病深者其聲噦。說文噦氣悟也。玉篇逆氣也。即俗云呃忒也。洄溪誤以為噦。智者之一失也。又謂病者所最忌。是但知下虛衝逆。吸氣不入之呃矣。然實證亦有之。痰阻清陽者宜開胃。火上衝者宜清肝。氣拂鬱者宜疏。府氣祕塞者宜通。即平人亦有偶患者。但吸熱飲或取嚏即愈。豈可專借重一旋覆代赭湯哉。

批此編獨闕傷寒一門。余按香巖有評點陶氏全生集一書。嘗引其大父紫帆先生暨乃翁陽生先生令兄又凡先生諸議論。則其家學淵源於傷寒論。金匱要略二書。必深討究。所以仲聖諸方。咸能隨證化裁。第傷寒者。外感之總稱也。惟其明乎傷寒之理。始能達乎傷寒之變。變者何。溫也。熱也。暑也。濕也。四者在難經皆謂之傷寒。仲聖因之而著論。而治法懸殊。後人不解。遂將四時之感。一以麻黃桂枝等法施之。自謂恪遵聖法。其如與病刺謬。何。間有一二明哲。識為溫證。奈為傷寒二字束縛。左枝右梧。不能別開生

面。獨葉氏悟超象外，善體病情。世之所謂傷寒，大率皆為溫熱。一掃從前錮習，如撥雲  
雲霧而見青天。從劉氏之三焦分深淺於營衛，當變而變，其相傳者心也。當變而不變，  
其拘守者迹也。然則善學仲聖者，莫如香巖矣。

批龍蒼通便不如脾約丸。余謂盧蒼入煎劑固非所宜。若龍蒼九，大泄風陽，直折肝膽，二  
經逆升之火，頗有妙用。與脾約證大有分別，何可相提並論耶？

批省頭草為蘭乃葉氏之臆說。余按蘭為何蘭，古無所考。冠宗頭朱丹溪皆以為山蘭。李  
東璧引叟說以譏之，而據方虛谷之說是。謂省頭草後此修本草者服此淹博，無不遵  
之。雖劉氏述盧氏乘雅倪氏彙言皆稱善本，亦無異議。惟汪詔菴頗疑町畦賤品，不副  
雅名。洄溪之論諒亦本此。豈可謂為香巖之臆見乎？道光間武進鄒潤安本經續疏始  
辨定為山蘭葉。余謂山蘭葉以清逸勝，功並竹茹省頭草以猛烈勝，略同草薺。臨證施  
用，各有所宜也。

批瘧門不以小柴胡為主方，是背仲聖。余謂瘧不離乎少陽。小柴胡湯是專方。今古相傳，  
誰不知之。然此但論傷寒之止瘧也。若溫熱暑濕之邪，雖已化瘧，總當以感證之法治  
之。邵新甫言之詳矣。設拘守其迹，不知變通而執死法以限生人，惡足以言醫耶？

批熱入血室不用柴胡湯為視之如仇云云。余謂溫熱病熱入血室，不與傷寒同例。女科

輯要內堯封治驗可證徐氏之論虛癆也。力辨建中不可輕試。蓋誠知古今病證之有同異矣。豈亦視之如仇。專與相背。抑曾誤用抱疾而畏之如虎乎。

友漁齋醫話云。香巖論溫暑。雖宗河間。而用方工細。可謂青出於藍。但欲讀其書者。須先將仲景以下諸家之說。用過功夫。然後探究葉氏方意。所從來。庶不為無根之萍也。古今醫案云。指南全部。亦僅數年之醫案。豈足概葉氏之一生。自刊行以來。沾溉後學。被其惠者良多。而枵腹之輩。又藉此書。易於勦襲。每遇一證。即鈔其詞句之精華。及藥方之纖巧。而平穩者。錄以應酬。竟可懸壺。無論大部醫書。畏如望洋。即小部醫書。亦束之高閣。惟奉指南。樂其簡便。而不知學之日益淺陋也。嗟乎。豈指南誤人耶。抑人誤指南耶。

魏氏續類案提要。病其無雜。潦草如脚門。載張文定患脚疾。道人與綠豆兩粒。而愈一條。謂斷非常食之綠豆。余按此特綠豆下脫一大字耳。蓋言得藥如綠豆大兩粒。與蟲門浦南人一案正相似也。然究不知其為何藥。如腫脹門邱汝誠案。自門周漢卿案之類。共有十餘條。皆不必選者。至於語怪。不止接育回生也。如邪祟門金劍鋒子。卷石戶章安鎮諸案。及元載挑酒魔。蓬頭驅癆蟲之類。皆可從刪。重出之案。亦有十餘條。且有自注未選入。而仍編入者。其脫簡外語。尤難僕數。而附載已案。多不注明。直至三十六卷。



產後顛狂條始標姓字。况卷首無序無目。顯為草創之初稿。而未經刪定之書也。余悉點出併為補目。楊素園大令意欲付梓。而為時事所阻。爰附其略於此。以俟大雅教裁。余纂溫熱經緯一書。詳辨溫熱暑濕之異。于正傷寒。因古人但以寒為肅殺之氣。而于暑熱甚略也。然嚴寒易禦。酷暑難消。熱地如爐。傷人最速。按徐后山柳崖外編云。乾隆甲子五六月間。都城大暑。冰至五百文。一舫熱死者無算。九門出視。日至于餘。又余師愚瘦疹一得云。乾隆戊子丙午壬子癸丑等年。暑疫流行。率用大劑石膏救全不少。紀文達公云。乾隆癸丑京師大疫。以景岳治法者多死。以又可治法者亦不驗。馮星實姬人呼吸將絕。桐城醫士投大劑石膏藥。應手而痊。踵其法者。活人無算。蓋即師愚也。道光間。毘陵莊製亭重刻其書。余已米入經緯。而卷帙稍繁。未能授梓。且辨證處方。非精于醫者不可。今附暑疫大略于通俗方書。庶世人咸知暑患之烈。而醫家治疫亦勿徒守又可之法為至當也。若王予中太史白田集內。謂承氣白虎孰非為即病之傷寒。豈可以治溫暑。噫。太史雖深究于理學。殆未深究于醫學。至石膏辨云。目擊受石膏之害者甚多。深以縲仲淳袁體菴為不可法。是亦書生之見也。夫停食不消。因而致死者多矣。豈可歸罪于五穀。以為神農后稷作俑。而令天下之人辟穀耶。况物性中和。莫如穀矣。而霍亂痧脹。一口米湯下嚙。即難救治。故一病有一病之宜忌。不可舍病而但以

藥之純駁為良毒也。補偏救弊。隨時而中。貴于醫者之識病耳。先議病。後議藥。中病即是良醫。况石膏無毒。甘淡而寒。善解暑火燥熱無形之氣。凡大熱大渴大汗之證。不能舍此以圖功。若兼胸悶腹脹者。須加辛通開泄之品以佐之。第讀書以明理。明理以致用。苟食而不化。則粗庸偏謬。貽害無窮。非獨石膏為然矣。惜紳先生博覽之餘。往往涉獵歧黃家言。或筆之于書。或參贊戚友之病。世人因信其知儒。遂併信其知醫。孰知紙上談兵。誤人不淺。呂晚村是其尤者也。安得如徐河漢者。一一而砭之哉。

又按內經云在天為熱。在地為火。其性為暑。又云歲火太過。炎暑流行。蓋暑為日氣。其字從日。日炎暑。日酷暑。皆指烈日之氣而言也。夏至後有小暑大暑。冬至後有小寒大寒。是暑即熱也。寒即冷也。故寒字從。為水氣。陰陽對待。乃天地間顯明易知之事。並無深微難測之理。而從來歧說偏多。誤人不淺。更有調停其說者。強以動靜分之。夫動靜惟人。豈能使天上之暑氣隨人而判別乎。又有妄合濕熱二氣為暑者。則亢旱之年。河井皆涸。禾苗枯槁。濕氣全無。可以謂之非暑耶。況濕無定位。分旺四季。暑與濕固易兼感。而風濕寒濕無不可兼。若云濕與熱合始名為暑。然則合于風。合于寒。又將何名字。且二氣兼感者多矣。如風與寒最易合。而仲聖嚴分桂枝麻黃之異治。豈暑與濕而可不為分別哉。故治暑者。須知暑為火熱之邪。然必審其有無兼濕。而隨證用藥。庶

不誤人

急暑證中暑昏迷病名暑厥多在旱亢酷熱之時因吸受暑毒直入心包營分耳蓋暑為

火邪心為火臟同氣相求不比別邪必由他經傳入也故告危極速往往不及延醫診

治世人但知為痧夫痧者即容邪驟入阻塞其氣血流行之道也阻塞經氣腑氣者為

淺阻塞臟氣者為深惟暑為陽邪直犯神明之臟殺人最烈而諸般治痧丹丸類多燥

烈之藥皆治貪涼飲令過度而寒濕為病者之方也設誤服之如火益熱以致死後渾身青紫或發斑或口

鼻流血凡小兒產婦患此者俗皆誤作驚風治之無不枉絕聞之慘然今將救治方法備錄于此惟藥品珍貴購

覓匪易若好善之家依方預為修合則病者易于得藥貧人亦可重生功莫大焉外則

用銀鍼刺病人曲池臂委中膝去毒血再將其口撐開看舌底有黑筋三股男左女右

以竹箸嵌尖鋒刺出惡血一點更將其髮解散細看如有赤髮急拔去之再看其背上有

湯及切熱湯若其舌苔或黃或白者急以行軍散或紅靈丹灌之立愈如舌色紫絳或苔黑

者暑毒更重也急以紫雪灌之灌後不甚爽慧者營分暑熱未清也再灌之或以神犀

丹繼之亦可口渴用生藕汁及清童便飲之或以竹葉綠豆等湯涼飲

行軍散 治暑熱直中頭目眩暈昏不知人心腹痞滿絞腸痧脹及山嵐障厲道途穢

惡一切不正之氣涼水調服三五分兼治口瘡喉痛併點治眼目風熱翳障搖鼻能辟

疫癘之邪

西牛黃 麝香當門子 真珠 梅花冰片 蓬砂各一錢 明雄黃八錢 火硝三錢 飛真

金二十 各藥另碾俱令極細如粉再合研和勻瓷餅密貼以蠟封之

絳雪紅靈丹 治證如前

辰砂水飛 馬牙硝各一兩 明雄黃水飛 蓬砂各六錢 煨礞石四錢 梅花冰片 麝香當門子各三錢

飛真金五十 右藥擇吉日於淨室中各研極細末瓷餅收貯熔蠟封口勿使泄氣每

服一分涼開水灌下小兒減半

紫雪 治暑火溫熱障疫毒厲諸邪直犯心經猝死及溫瘧煩熱發斑狂易叫走五尸

五疰痧脹穢毒心腹疼痛急黃蠱毒鬼魅驚癇麻痘火閉口舌生瘡一切邪火毒火穿

經入臟蘊伏深沉無藥可治之證

黃金百兩 寒水石 慈石 石膏 滑石各三 以上並搗碎用水一斛煮至四斗去滓

入下藥 羚羊角屑 犀角屑 青木香 沉香各五丁香一兩 洞溪云元參 升

麻各一斤 炙甘草八兩 以上入前藥汁中再煮取一斗五升去渣入下藥 朴硝十斤 硝石

四斤洞溪云二硝宜用十分之一 二味入前藥汁中微火上煎柳木篋攪不住手候有七升投在木

盆中半日欲凝入下藥 麝香當門子錢一兩二錢 砂三兩 二味入前藥中攪調令勻瓷

器收藏藥成霜雪紫色須密貯勿令泄氣每服一錢小兒減半新汲水調灌

徐河漢云方中

黃金如用飛金萬頁研入丸以上三方藥甚珍貴初不敢送入簡效然暑邪直犯心包非此芳香

逐穢清熱通竅之方不能奏績且非處處可買人人能購之藥特詳載之以使心存

利濟者之易于修合也

夏月傷寒者因畏熱而浴冷臥風或水瓜過噉所致也乃暑月之陰濕證非病暑也輕者

香薷正氣平胃五苓等藥重者大順冷香等方譬如避火而溺于水極者但可云出之

于水不可云出之于陰火也昔羅謙甫治商參政與完顏小將軍二案但用熱藥俱不

名曰暑病又吳球治暑月遠行人案直曰中寒三案皆載名醫類案蓋恐後世誤以熱藥治暑設

特舉病因以稱之可謂名正言順矣昧者猶不深究妄立陰暑之名眩惑後人若謂夏

月傷寒為陰暑則冬月之紅爐煖閣羔酒狐裘而患火證者將謂之陽寒矣夫寒暑者

乃天地一定之陰陽不容淆混惟司命之士須知隆冬有熱病盛夏有寒病用藥當

諦審其脈證庶無倒行逆施之害也

楊素園大令曰瘰癧乳巖二證最稱難治余購得一秘方屢經試驗付潛齋刊以傳世方

用丹雄雞金骨一副生取千里奔蹄甲也五錢紫降香五當歸生甘草各一槐樹皮十三

寸右六味以雞骨入麻油鍋內微火煎枯入後藥亦用微火煎枯去渣二油一丹收成

膏浸冷水中拔去火氣不論已破未破量大小貼之以愈為度又一治面疔方甚簡效

活鱗魚一尾杵爛入研細長砂拌勻圍之火即漸散漸微漸小其疔自拔百試百中

徐洄溪云流注乃寒痰為風邪所引竄入經絡為毒也余治多人悉以大活絡丹愈之舍

此別無對證之方矣按大活絡丹即俗稱再造丸者是也其但用二烏乳沒膽星地龍六味者名小活絡丹毒烈異常慎勿誤用切記切記

呂慎菴云洄溪以外科獨擅凡毒初起欲其不大故首重圍藥而方秘不傳余訪求既久

得其最珍重者二方一曰束毒圍用玉精炭即蛇蚶生大黃各四兩五倍子 白芨各三

生半夏 白斂各二兩百草霜 礬紅 生南星 陳小粉炒草烏略熊膽一錢共研末

以廣膠化鮮芙蓉葉故醋量和搗成錠治熱毒癰瘍發於陽分盤硬外疔色紅蔓腫者

醋磨濃塗四圍空頭一曰疔圍專治疔瘡初起根脚不收堅硬發麻用生南星 生半

夏 五倍子 磁石煨陳小粉炒明礬 生軍各二兩東丹六錢鐵銹 瓷粉各五錢雄黃

蟾酥略能膽二錢白梅肉一兩共為末猪膽汁打錠

吾鄉管榮棠樂善人也好施藥嘗曰痧邪深入血分必用刺法以泄其熱而通其絡藁過

桐鄉八十老人張德祥者善治痧數十年來生死決其鍼下百不失一凡鍼入而肌肉

疑閉者必不得生然其所刺部位不僅玉衡書所言之十處惜世罕知囑余錄入醫話

以便窮鄉僻壤皆得按證而施救療也凡痧證頭暈者刺素膠穴在鼻柱上端頭痛者

刺風府穴在項後入髮際一寸大偏痛者刺風池穴在耳後顯顛後腦控腹痛而吐者

刺上腕穴在臍上一寸腹痛而瀉者刺下腕穴在臍上一寸腹痛而欲吐不吐欲瀉不瀉者

刺中腕穴在臍上四寸鍼入一寸即愈以上三穴用手瘕者刺商陽穴在手次指內側

血立足吊者刺厲兌穴在足次指之端去爪刺承筋穴在脛後足跟上刺承山穴在脛

精明者不易取宜慎刺牙關緊閉者刺入迎穴在結喉兩旁一寸五分